

„Si Hesus nahigugma sa mga bata“

Ang mga bisita nga nagduaw sa usa ka prinsesa sa Sweden nangutana kaniya, “Puwede bang imo ipakita kanamo ang mga mutya nga korona?”

“Siyempre”, siya mitubag, ug milakaw paingon sa pultahan, mibalik siya uban sa duha ka mga bata. Siya mikuha sa duroha ka mga bata ug nagpahiyom sa mga bisita, og miingon, “Mao kini ang akong mga mutya.”

Ang mga bisita mitutok nahibulong tungod sila nagdahom sa pagtan-aw sa mga diamante ug ubang mga bililhong nga bato. Apan sila nakasabot nga ang mga bata labaw pa kabililhon ngadto sa prinsesa kay sa bililhong mga bato.

Tinuod kini, dili ang matag-usa adunay usa ka kasingkasing alang sa mga bata. Apan ako nasayod adunay uban nga nahigugma sa mga bata: ang Ginoo Hesus. Ang Bibliya nag-ingon kanato mahitungod sa usa ka panahon sa dihang ang ilang mga ginikanan nagdala sa ilang nga anak ngadto kang Hesus aron Siya mahimong magpanalangin kanila ug sila mahimong makaila Kaniya. Apan sa wala pa sila makaabot ngadto kang Hesus, sila nakadungog sa masuk-anong mga tingog.

Mga Disipulo: “Unsay inyong gibuhat? Lakaw! Pahawa dinhi!”

Ang mga bata mihunong sa ilang dalan, og nahadlok. Sila walay kaisog sa pagsulti og usa ka pulong. Ug kining mga disipulo ni Hesus maoy nagbadlong kanila sa maisugon.

Ako nalipay kaayo nga ang sugilanon wala mahuman dinhi. Si Hesus nahigugma sa mga bata ug nanginlabot diha diha dayon.

Hesus: “Tugoti kining gagmayng mga bata sa pagduol kanako. Ayaw sila ipapahawa. Ang gingharian sa langit nahisakop ngadto kanila.”

Si Hesus nahigugma sa mga bata. Siya nag-imbatar kanila aron mosalig Kaniya ug mahimong makaila Kaniya. Ug sila mahimong moduol ...

... mga lalaki ug mga babaye sama sa inyong edad

... maayo ug daotan

... dako ug gamay

... sabaan ug hilomon

... maalamon o dili maalamon

... mga lalaki ug mga babaye sa lain-laing mga kolor

Ang mga bata wala gayod makalimot sa adlaw sa dihang si Hesus mahigalaon ngadto kanila ug nagpanalangin kanila.

Si Hesus nahigugma sa mga bata!

Kini nakahimo sa mga bata nga malipayon ug sila nagsulti sa uban mahitungod Kaniya.

Ug kanunay hinumdumi nga si Hesus nahigugma kaninyo, usab!

Diha sa Bibliya Siya nag-ingon ngadto kanato: Si bisan kinsa ang moduol nganhi kanako Ako dili mosalikway.

Mga Tawo: Tigsaysay, Hesus, mga disipulo